



بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI
MUFTILUK ZENIČKI
MEDŽLIS ISLAMSKE ZAJEDNICE TEŠANJ



GODINA X
Broj: 1/34

BILTEN

Januar-mart 2014.g.
r-evvel-dž.-l-ula 1435.h.g.

Interno informativno glasilo Medžlisa IZ-e Tešanj

PRED ZAVRŠETKOM GENERACIJSKI PROJEKAT
Obnova objekta Gazi Ferhad-begove medrese za sjedište Medžlisa IZ-e Tešanj
SVEČANO OTVORENJE – 30. 05. 2014. g.



Tešanj; mart 2014. u toku su završni radovi na unutrašnjem uređenju objekta bivše Gazi Ferhad-begove medrese za sjedište Medžlisa IZ-e Tešanj. Još nije kasno da se pridružite ovoj hairli akciji na očuvanju ovog vakufa. Uplata za gradnju može se izvršiti na transakcijski račun Medžlisa IZ-e Tešanj u **Vakufskoj banci** Tešanj broj: **160-300-55-00011523** sa naznakom „**Za zgradu Medžlisa**“ ili na blagajni Medžlisa IZ-e Tešanj.

OBILJEŽEN 12. REBIU-L-EVVEL – DAN ROĐENJE MUHAMMEDA a.s. 13.01.2014.



Centralna menifestacija u Čarši-džamiji u Tešnju; Mevlud i uručenje priznanja i nagrade iz Fonda „Hasan ef. Škapur“ muftiji zeničkom mr. Ejub ef. Dautoviću

ODRŽANA 5. SJEDNICA SKUPŠTINE MEDŽLISA IZ-e TEŠANJ- 23.02.2014. (str. 6.)



na kojoj je usvojen Izvještaj o radu IO Medžlisa IZ-e Tešanj za 2013. g. sa općim smjernicama za rad u 2014. g. data saglasnost na Finansijski izvještaj za 2013. i Budžet za 2014. g. i uručena priznanja i pohvale zaslužnim.

27. 04. 2014.g. - Mevlud u povodu općinskog Dana šehida u džamiji Bobare, poslije podne-namaza.

07. 05. 2014.g. - „Večer Kur'ana“ u povodu 7. maja „Dana džamija“ u Novim Miljanovcima.

RIJEČ UREDNIKA**Iz obraćanja na sjednici Skupštine Medžlisa**

„RECI:-Trudite se ! Allah će trud vaš vidjeti, a i Poslanik Njegov i vijernici, i vi ćete biti vraćeni onome koji zna nevidljiv i i vidljiv i svijet, pa će vas o onome što ste radili obavijestiti.“

Poštovani prisutni!

Muslimani su sigurni u autentičnost Allahove Knjige i sigurni su u istinitost života posljednjeg Allahovog poslanika, Muhammeda a.s. Na ovom principu, a i shodno Ustavu Islamske zajednice koncipiran je rad Medžlisa u izvještajnoj godini, kao i u prethodne tri godine, kada su vam muslimani sa područja našeg Medžlisa ukazali povjerenje da dajete smjernice za rad Medžlisa kroz Skupštinu.

Ovo je prilika da vam se najtoplije zahvalim što ste u svom mandatu svojim angažmanom i izborom članova Izvršnog odbora pronosili lijep glas o Izvršnom odboru Medžlisa, o muslimanima Medžlisa Tešanj. Što ste svojim smjernicama učinili da rad Medžlisa zauzima značajno mjesto na području zeničkog muftiluka, odnosno Rijasetu Islamske zajednice, što pokazuju rezultati koji su vidljivi po mjerilima koje od nas traže viši organi Islamske zajednice (zekat, hadž, kurban, vjeronauka, mekteb, preporod, šerijatska vjenčanja).

Ono što može biti zasigurno ponos članova ove Skupštine i Izvršnog odbora na čelu sa predsjednikom u ovom mandatu jeste trajno rješavanje sjedišta Medžlisa u prostoru Gazi Ferhadbegovog vakufa čije je otvorenje planirano ako Bog da u maju.

Vakuf Gazi Ferhad bega nas podsjeća na našu prošlost, vezuje nas za našu sadašnjost i ujedno nama kazuje da naša budućnost treba da bude bolja od naše prošlosti.

To je ujedno i Emanet kojeg su naši preci ljubomorno čuvali i prenosili i na taj način ispisivali stranice svoje povijesti.

Ovim činom muslimani Tešnja nastavljaju ispisivati svoju povijest u kojoj će svako ostvarivati svoje pravo i znati izvršavati svoje obaveze ukazujući na važnost osobnog, porodičnog i džematskog života na ovom prolaznom svijetu.

A sad nesto lično, ovo je moje 10 obraćanje na Skupštinama medžlisa Iz-e Tešanj u svojstvu glavnog imama i ujedno prilika da iskažem svoju zahvalnost za proteklih deset godina zeničkom muftiji mr. Ejub ef. Dautoviću na ukazanom povjerenju da obnašam dužnost gl. imama Medžlisa Tešanj.

Također zahvaljujem svim članovima Izvršnog odbora, članovima skupštine, članovima džematskih odbora u mandatima u kojima su predsjedavali h. Edib Turalić i Zehrudin Kruško, kao i kolegama imamima, uposlenicima stručnih službi medžlisa, općinskim administracijama te svima onima koji Islamsku zajednicu zajednicu doživljavaju kao opći okvir duhovne i materijalne samorealizacije muslimana na ovim prostorima...

Aktivnosti IO Medžlisa IZ-e :

13. 02. 2014. g. Održana 35. redovna sjednica IO u prostorijama Medžlisa kojom je predsjedavao predsjednik Zehrudin Kruško, a prisustvovalo 14 članova. Usvojeni su: Izvještaj o realizaciji Programa obilježavanja 12. rebiul-evvela, Prijedlog Izvještaja o radu IO za 2013. sa smjernicama za rad u 2014. godini, Završni račun za 2013. i Budžet za 2014. godini i upućeni Skupštini na usvajanje i saglasnost, Odluka o završenom popisu, Odluka o dodjeli Pohvala. Razmatrana je i informacija o otvorenoj javnoj raspravi o Nacrtu amandmana na Ustav IZ-e u BiH.



28. 01. 2014. g. Čarši džamije - Održan radni sastanak sa predsjednicima džematskih odbora - na kome je razmatran Izvještaj o radu za 2013. g. i plan aktivnosti za 2014. g., završeni računi džemata za 2013. g., upoznavanje sa novim normativnim aktima i razno.

**POZIV NA SARADNJU**

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis.

Posjetite našu web stranicu i dostavite vaše ideje na naš e-mail

naša web stranica: www.miztesanj.ba

e-mail: iztesanj@bih.net.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača predsjednik IO Zehrudin Kruško.

Glavni i odgovorni urednik: mr. Fuad ef. Omerbašić, tehnički urednik Rašid Orlović

Redakcija: Salih ef. Haušić, Dževad ef. Hasanbašić, Enver ef. Kurtić, Almir ef. Hadžić i Suljo ef. Djedović, saradnici imami MIZ-e Tešanj.

Hutba..

IMAMI ŠEHIDI

Draga braćo!

Islam već pet stoljeća u značajnoj mjeri prožima historijski život i određuje historijsku sudbinu Bošnjaka. U svojoj modernoj historiji nakon odlaska Osmanske carevine, *Bošnjaci su, ne prihvatajući ideju seobe*, potvrdili svoju privrženost Bosni i *otvorenost da u evropskoj civilizacijskoj perspektivi* grade svoju političku budućnost ali i svoj islamski identitet. *Bošnjaci*, iako s velikim žrtvama, odoljeli su velikim iskušenjima i vitalno odgovorili na složene izazove u toku *Prvog svjetskog rata*, hegemonijske vlasti Kraljevine Jugoslavije, *Drugog svjetskog rata* i komunističke diktature.

Dvadeseto stoljeće za Bošnjake bilo je stoljeće biološkog, ekonomskog i duhovnog stradanja, ali i stoljeće stalnih otpora, borbi i obnavljanja. Na tom trnovitom putu Bošnjaci su cijelo jedno stoljeće sa začuđujućom energijom i kreativnošću ustrajavali u iskušavanju i svjedočenju mogućnosti za koju su se opredjelili – da povezuju dvoje: Bosnu i islam, zemlju i vjeru. U toj povijesti dužoj od pola milenija zacijelo je svaki naraštaj Bošnjaka na svoj način iskušavao poruke Kur'anskog ajeta iz sure El-Bekara: *“I ne recite za one koji su na Allahovu putu poginuli: “Mrtvi su!” – Naprotiv, oni su živi, ali vi to ne osjećate.”* (Kur'an: El-Bekara, 154)

Koliko god u njemu ima poticajne snage za muslimane, toliko ima i upozorenja na dramatične povijesne prilike u kojima će oni živjeti i kušnje kojima će biti izloženi. Mnogi će se svjesno odricati prava na ostatak života zarad najviših i najuzvišenijih vrijednosti islama, i biti počašćeni šehidskim odličjem od Uzvišenog Boga. Oni koji ih ispraćaju u vječni svijet trpe bol, ali ne običnu bol, već onu koja u sebi nosi čast, ponos i istinsko poštovanje.

Imami, učenici medresa, studenti Fakulteta islamskih nauka, profesori i saradnici muslimanskih kulturno-obrazovnih ustanova u Bosni i Hercegovini te ostali službenici Islamske zajednice dali su, *zajedno sa ostalim sinovima Bosne*, nemjerljiv doprinos otporu i borbi protiv agresora, ne žaleći svoje živote za odbranu jedine im domovine Bosne i Hercegovine.

Strateški cilj agresora na Bosnu i Hercegovinu bio je uništenje bošnjačkog naroda i njegove duhovne i materijalne kulture te podjela ove suverene države između Srbije i Hrvatske

Ohrabreni ogromnom nesrazmjerom vojne moći u odnosu na Bošnjake, a usto zaraženi i opijeni mitomanskom mržnjom prema islamu i muslimanima, agresori su planski i žestoko udarili po svim vitalnim i strateškim tačkama države Bosne i Hercegovine i svim zasadama bošnjačke duhovne i materijalne kulture: po džamijama, tekijama, bibliotekama, institutima, školama, spomenicima, mezaristanima i dr. Ubijali su i progonili sve Bošnjake odreda, a kad bi red došao na imama ili nekog drugog službenika Islamske zajednice, tad su bili posebno svirepi, vjerujući da će tako zadati posebno težak udarac svim svojim žrtvama.

Kao vođe svoga naroda, u presudnim trenucima borbe za opstanak, *imami nisu ni na trenutak pomišljali da napuste svoju zemlju* i svoj narod. Naprotiv, preuzimajući ogromnu odgovornost pred Bogom, narodom i poviješću, oni su svojim ličnim primjerom pokazivali da je otpor zlu jedini ispravan odgovor agresoru i agresiji kojoj je suverena država Bosna i Hercegovina bila *izložena od 1992. do 1995. godine*. Budući da je takvo njihovo držanje ohrabrujuće djelovalo na bošnjački narod, imami su na sebe navukli još veći bijes rušitelja Bosne i Hercegovine. Započelo je uništavanje svega što ima ikakvu vezu s islamom.

Cijeli svoj život *imami su posvetili miru, njegovanju ljubavi* među ljudima, održavanju i širenju ideje međusobne trpeljivosti i suživota, ali za njih nije bilo ni poštovanja ni razumijevanja ni milosti. Unatoč tome što su posebno zaštićeni međunarodnim konvencijama, uključujući i one najvažnije, oni su bili prvi ciljevi agresora. Žrtve nisu samo ubijane; one su često do neshvatljive granice ponižavane kako bi počele osjećati stid zbog svega za šta su se cijeli svoj život zalagale. Prisiljavali su ih da se krste i izgovaraju tuđe molitve. Ucenjivali su ih djecom i ženom, roditeljima; prijetili im ubistvom većeg broja logoraša – njihovih džematlija i sapatnika.

Danas naše šehide više nikakva patnja ni strah ne dotiču; oni su u dobru *kod svoga Gospodara*. Ali ostaje dug živih da govore o njima, da njihova imena budu svjetionici u olujama koje često posjećuju Bosnu i Hercegovinu. Neka kazivanja o ovim časnim ljudima bude i ostane svjetlo opomene, danju i noću, u sadašnjosti i budućnosti. Oni su rizik svoje slobode platili svojim životom.

Mi danas preuzimamo rizik njihove i naše slobode. Oni koji će doći poslije nas mogu slobodno čitati povijest koja će biti *pamćena po šehidima* koji su hrabro ustali i kazali: *“Naš Gospodar je Gospodar Nebesa i Zemlje. Mi se nismo nikom osim Njemu klanjali!”* Oni su trajni podsjetnik našem narodu da se ne boji svoje slobode i da ne pristaje na ucjenu iza koje dolazi laž.

Zato se danas sjetimo *97 imama šehida i učenika Medresa*.

Allahu Uzvišeni, neka se nikada više među nama ne nađe onaj koji će dignuti ruku na: ljude, imovinu i našu domovinu Bosnu i Hercegovinu. *Molimo Uzvišenog Allaha da primi naše dove*.

Iz hutbe održane u petak, 28. 03. 2014. g. u svim džamijama na području Medžlisa IZ-e Tešanj.

Obilježn 12. rebiu-l-evvel – Dan rođenja Muhammeda a.s.- U svim džematima prigodni programi - *Izdvajamo*

Čarši-džamija - 13. januara 2014.g. – 12. rebiu-l-evvela 1435.h.g. (ponedjeljak)- Mevlud i dodjela nagrade i priznanja iz Fonda Hasan ef. Škapur muftiji zeničkom mr. Ejub ef. Dautoviću. - Centralna manifestacija u povodu 12. rebiu-l-evvela, dana rođenja Muhammeda a.s., za područje Muftiluka zeničkog i Medžlisa IZ-e Tešanj održana je u Čarši-džamiji u Tešnju poslije podne-namaza.


Mevlud su proučili imami MIZ-e Tešanj. Muftiji je uručio priznanje prvi dobitnik priznanja dr. emeritus Omer Nakičević.

Mevludu su prisustvovali raniji dobitnici priznanja (dr. Omer Nakičević, dr. Fuad Sedić, Muftija bihački Hasan ef. Makić, direktor GHM Zijad Ljevaković).

Pristinama su se prigodno obratili dr. Nakičević, glavni imam, muftija bihački i muftija zenički, a dovu proučio muftija banjalučki.



Glavni imam je u svom obraćanju upoznao prisutne da je iz štampe izašao Zbornik radova u izdanju Medžlisa IZ-e Tešanj, a u povodu 10. godišnjice Fonda „Hasan ef. Škapur“ u kome su objavljeni radovi dobitnika priznanja i nagrade iz ovog Fonda i spisak svih maturanata medresa kojima je uručena stipendija iz ovog Fonda.



Bukva – 12.01.2014.g. – proučen tradicionalni mevlud u džemiji Bukva poslije akšam-namaza uz obraćanje džematskog imama Ibrahima ef. Okanovića prof. i glavnog imama mr. Fuad ef. Omerbašića.

Jelah – 12.01.2014.g. – polaznici mektebske nastave proučili mevlud, a prigodan vaz održao džematski imam mr. Almir ef. Hadžić.



Sa mevluda u džamiji Jelah

Tešanjka 33.03.2014. poslije podne-namaza, 44. tradicionalni mevludski program proučili su imami Medžlisa IZ Tešanj, a prisutnima su se obratili džematski imam Mustafa ef. Balić, glavni imam mr. Fuad ef. Omerbašić i dr. Esmir Halilović, asistent NA IPF u Zenici



Održane Tribine:

- 1. Mračaj-Potočani - 24.01.2014.** poslije jacije namaza gost hafiz Fadil Bektaš.
- 2. Oraš Planje - 26.01.2014.** u novoj Plavoj džamiji – gost hafiz Sabahudin ef. Skejić – tema „Lahkoća islama“



Obilježn 12. rebiu-l-evvel, uručene stipendije, mevludi, turniri... – saradnja sa školama...

Tešanj - 13. januara 2014.g. – 12 rebiu-l-ahira 1435.h.g. -Podjela stipendija maturantima medresa – Muftija zenički mr. Ejub ef. Dautović, glavni imam Medžlisa IZ-e Tešanj mr. Fuad ef. Omerbašić i predsjednik IO Zehrudin Kruško upriličili su prijem za maturante medresa u Čarši džamiji u Tešnju.

Nakon obraćanja glavnog imama i Muftije predsjednik IO je maturantima uručio stipendije.

Ovo je 8 godina za redom kako se maturantima medresa iz Fonda Hasan ef. Škapur dodjeljuju stipendije. Zajedno sa ovom godinom obuhvaćeno je ukupno 111 maturanata medresa ovim stipendijama u vrijednosti jednomjesečnog internata u medresi – 170,00 KM.

Ove godine stipendije su dodijeljene za 21 maturanta:

1. **Dženeta Bekrić**-džemat Lepenica, m. „Dž. ef. Čaušević“;
2. **Amina Mujkanović**- džemat Miljanovci N., medresa „Džemaludin ef. Čaušević“, Cazin;
3. **Emina Pazarać**- dž. Miljanovci N. m. „Dž. ef. Čaušević“;
4. **Nurdin Bašić** - dž. Miljanovci N. m. „Dž. ef. Čaušević“;
5. **Kanita Krđžalić** - dž. Bukva; „Behrambegova“ m. Tuzla
6. **Almir Hasan** – dž. Bukva, „Behrambegova“ m. Tuzla
7. **Alija Omerbašić** – dž. Kar.Kop. Oru. „Behrambegova“ m;
8. **Zulejha Omerbašić** – dž. Kar.Kop. Oru. „Behrambegova“ m;
9. **Esmā Pobrić** –dž. Dolac-Kotlanice – „Behrambegova“ m;
10. **Haris Žižo** –dž. Mrkotić-Putešić- GHM Sarajevo;
11. **Amer Ganjgo**; dž. Mrkotić-Putešić - GHM Sarajevo;
12. **Hajrudin Ireiz** – dž. Dob.Mekiš“ - GHM Sarajevo;
13. **Alma Beganović** – dž. Medakovo - GHM Sarajevo;
14. **Ensar Perčo** – dž. Hamzibegova dž. – GHM Sarajevo;
15. **Belmin Bašić** – džemat Šije - GHM Sarajevo;
16. **Halid Salkanović** –dž. Medakovo „Elči Ibrahim-pašina“;
17. **Rašida Lekić**-dž. Miljanovci-„Behrambegova“ medresa;
18. **Dženana Garić**- dž. Piljužići –„Behrambegova“ medresa;
19. **Sedina Omerbašić**- dž. Miljanovci-„Behrambegova“ m;
20. **Muris Bošnjak** – dž. Kalošević - „Behrambegova“ m;
21. **Nihad Mehmedović** – Lepenica – „Behrambegova“ m;



Sa maturantima medresa kojima su uručene stipendije

Tešanj; OŠ „Huso Hodžić“ 25.01.2014.g. – održan tradicionalni malonogometni turnir učenika ove škole u organizaciji aktiva nastavnika Islamske vjeronauke u sportskoj dvorani ove škole.



Miljanovci Novi; 18. 01. 2014.g. – **9. tradicionalni mevlud učenika OŠ „Džemal Bijeđić“ Miljanovci** – proučen u ovoj džamiji poslije akšam namaza. Nakon izražene dobrodošlice i selama prisutnima džematskog imama hafiza Nermina ef. Ibrahimovića prof., čestitke školi i izvođačima uputio je Salih ef. Haušić prof., imam Dibakhana džamije, a potom se i progodnim vazom obratio prisutnima.

Piljužići, 19. 01. 2014.g. – **mevlud učenika OŠ „Džemal Bijeđić“ Miljanovci** – proučen u ovoj džamiji poslije jacije namaza. Nakon izražene dobrodošlice i selama prisutnima džematskog imama hafiza Nijaza ef. Malagića čestitke školi i izvođačima uputio je Glavni imam Medžlisa IZ-e Tešanj mr. Fuad ef. Omerbašić, a poteo se i kraćim progodnim vazom obratio prisutnima, nakon čega je vaz održao mr. Mustafa ef. Prljača, glavni urednik Glasnika Rijaseta IZ-e u BiH.

Profesor i učenici „Behram-begove medrese“ iz Tuzle u februaru i martu posjetili sve OŠ na području Medžlisa IZ-e Tešanj i predstavili medresu učenicima završenih razreda OŠ.



1. Sajam srednjih škola i fakulteta-28.03.2014.

glavni imam posjetio Sajam koji je organiziran u Sportsko-rekreacionom centru u okviru kulturno-privredne manifestacije „Tešanjsko proljeće“. Na Sajmu se predstavilo 19 fakulteta, sedam srednjih škola i 11 institucija i organizacija koje se bave obrazovanjem, edukacijom i zapošljavanjem mladih iz cijele BiH, a među njima i dvije medrese („Elči Ibrahim-pašina“ medresa iz Travnika i „Behrambegova“ medresa iz Tuzle) i dva IPF (iz Bihaća i Zenice).

Održana 4. redovna sjednica Skupštine Medžlisa IZ-e Tešanj u Čarši džamiji Tešanj 24.02.2013. Izdvajamo:

Održana 5. redovna sjednica Skupštine Medžlisa IZ-e Tešanj (u IV sazivu) – 23. 02. 2014. u Čarši džamiji u Tešnju sa početkom u 9,00 sati kojoj je prisustvovalo 97 zastupnika od 154 izabrana, Muftija zenički mr. Ejub ef. Dautović, glavni imami Medžlisa IZ-e Zenica, Maglaj, Doboj i Teslić. Sjednicom je predsjedavao predsjednik IO Medžlisa IZ-e Tešanj Zehrudin Kruško.

*Radno predsjedništvo*

Nakon obraćanja predsjedavajućeg i glavnog imama, te obrazloženja Izvještaja sekretara Admira Đulića, usvojen je Izvještaj o radu IO Medžlisa IZ-e Tešanj za 2013.g. sa općim smjernicama za rad IO u 2014.godini i data saglasnost na;

- Izvještaj o materijalno-finansijskom poslovanju za period januar-december 2013.g.,
- Završni račun za 2013.g.
- Plan prihoda i rashoda za 2014.g.

Nakon čega se Općinski načelnik Suad Huskić obratio prisutnima.

Muftija zenički mr. Ejub ef. Dautović je čestitao IO i Medžlisu u Tešanj na urađenom poslu u protekloj godini ističući da je „*ovo najbolji Izvještaj koji sam dobio*“, te uputio konkretne prijedloge i smjernice za unapređenje rada Medžlisa IZ-e Tešanj u 2014.



Obraćanje predsjednika IO MIZ-e Tešanj Zehrudina Kruške



Dio prisutnih zastupnika na sjednici Skupštine

U svečanom dijelu sjednice Muftija zenički mr. Ejub ef. Dautović je uručio Priznanje Izvršnom odboru Medžlisa IZ-e Tešanj koje su preuzeli predsjednik i glavni imam.



Glavni imam uručio Pohvalu IO Medžlisa IZ-e Tešanj



Sadulah ef. Salkanoviću, imamu džemata Medakovo a predsjednik IO Medžlisa IZ-e Tešanj uručio pohvale



Avdi Ramiću – predsjedniku dž.o. Mrkotić-Putešić



Ademu Kantiću – predsjedniku Građevinskog odbora za onovnu-izgradnju Sulejmanije džamije Jelah, i hadži Salki Kamenici – blagajniku Građevinskog odbora za onovnu-izgradnju Sulejmanije džamije Jelah, (koji je bio odsutan pa je Pohvalu preuzeo Kasim Alić predsjednik dž.o. džemata Jelah).

Događaji, iz naših džemata...

Šije Gornje Polje - 23.03.2014. Završeno postavljanje vanjske termoizolacione fasade na vakufsku kuću sa mektebskom učionicom.



Kraševo – na džamiji izvršena zamjena dotrajale metalne stolarije novom plastičnom.



Tešanj – Centar za kulturu - 29.03.2014. - održana projekcija dokumentarnog filma „Imami šehidi“.



Karadaglje-Kopriivci – Oručje: mart 2014.g. – Započeli radovi na izgradnji pomoćnog objekta.



Miljanovci Novi: 23.03.2014.g., završeno uređenje harema džamije – izbetonirani pristupi i popločani mermerom, ostali dio nasut zemljom i zasijan travicom.



Oraš Planje; 23.02.2014. - održana 2. ovogodišnja tribina na kojoj je o temi „Vjernik u iskušenju ahiri zemana“ govorio dr. Safvet Halilović.



Oraš Planje; 23.03.2014. - održana 3. ovogodišnja tribina na kojoj je o temi „Porodica u islamu“ govorio dr. Zuhdija Adilović, dekan IPF u Zenici. Po završetku tribine, u mektebskoj učionici, upriličena je svečanost i uručenje svjedodžbi o završenoj hatmi za 25 omladinaca koji su u halki Kur'ana pred džematskim imamom Suljom ef. Djedovićem prof., u periodu od novembra 2012. godine do danas uspješno proučili sufaru i Kur'an-hatmu. Svjedodžbe su uručili dr. Adilović i glavni imam mr. Fuad ef. Omerbašić i to sljedećim polaznicima: Čorić Bećir, Čorić Semir, Mahalbašić Jasmin, Mahalbašić Safet, Mahalbašić Medžid, Mahalbašić Sanel, Kadušić Semir, Žilić Mirza, Djedović Ensar, Džihić Damir, Čorić Aldin, Čorić Hamdija, Čorić Ramiz, Škokan Šerif, Škokan Dževad, Djedović Dženan, Hatkić Himzo, Hatkić Sadržir, Mahmutović Edin, Mahalbašić Mimes, Kadušić Nadir, Hadžić Adis, Talo Elvir, Mujčinović Almedin i Hadžić Nusmir.



MANIFESTACIJE - DOGAĐAJI

Imam Čarši-džamije u Tešnju mr. Enver ef. Kurtić 25. 02. 2014. na Internacionalnom univerzitetu u Novom Pazaru obradom i prezentacijom teme „Prava djeteta u međunarodnom i islamskom pravu“ stekao akademski naziv „Master teolog“.



Posjeta Muftije zeničkog mr. Ejub ef. Dautovića- 11. 03. 2014. g. - Održao predavanje i radni sastanak sa imamima, - Održao sastanak sa džo.o. Piljužići, - Posjetio firmu „AS“ Jelah i vlasniku Sulji Hrviću uručio Priznanje.



Aktivnosti OU Ilmijje: Izvještajno-svečana sjednica – 25. 02. 2014.g. Na kojoj je usvojen izvještaj o radu za 2013.g. sa prijedlogom aktivnosti u 2014.g. i Završni račun za 2013.g.. U svečanom dijelu dodijeljene su nagrade: za doprinos u afirmaciji Ilmijje: mr. Fuad ef. Omerbašiću, Zehrudin Kruški (glavni imam odsutan preuzeo i za njega predsjednik IO), i mr. Almir ef. Hadžiću; za uspješnu distribuciju islamske literature: hafizu Nerminu ef. Ibrahimoviću, Raifu ef. Hasaku, Elvedin ef. Aličiću, Suilji ef. Djedoviću, Enver ef. Kurtiću (preuzeo Suljo ef. Bejtović); za jubilarnu stažu 10 godina: Sadulah ef. Salkanoviću; te za 20 godina Dževad ef. Bećiroviću i Dževad ef. Hasanbašiću., prigodne hedije penzionisanim imamima i udovima imama putem džematskih imama.

Tešanj; Čarši-džamija - 1. stručni seminar za imame u 2014.g.– 21.01. 2014. g . održan u Čarši džamiji u Tešnju – na kome je temu „Misionarski rad za islam“ obradio i prisutnima prezentovao Salih ef. Haušić, imam Dibekhana džamije.



Tešanj; Čarši-džamija – 11.02.2014. g. - 2. stručni seminar za imame na kome je temu „Zlatni srednji vijek“ prezentirao i promovisao istoimeni plakat autor Elvedin ef. Subašić prof., novinar Preporoda.



Šareni Mekteb – Uručene svjedodžbe svršenicima kursa stranih jezika – Istepen – 25. 01. 2014. g. U periodu oktobar, novembar i decembar 2013.g. u organizaciji Medžlisa IZ-e Tešanj održan kurs stranih jezika (arapski, turski i engleski), a predavači su bili profesori: Salih ef. Haušić i Enver ef. Kurtić za arapski, Hasan ef. Solo za turski i Amar ef. Bedaković za engleski. Kurs je bio besplatan, a uspješno ga je završilo: arapski – 18, turski 20 i engleski 11 polaznika. Medžlis IZ-e je upriličio zajedničku dodjelu svjedodžbi svim svršenicima koje je im je, u prisustvu profesora, uručio glavni imam mr. Fuad ef. Omerbašić.

